



13. juni 2016

APPN

**Aalisarnermut, Piniarnermut Nunalerinermullu Naalakkersuisoqarfik
Imaneq 4
Postboks 269
3900 Nuuk**

2016 aamma 2017-imi ukiuunerini tuttunniartarnissani umimmanniarnis-sanilu piffissat pisassiissutigineqarsinaasullu pillugit tusarniaaneq

2016-imi 2017-imilu ukiuunerini tuttunniartarnissani umimmanniartarnissanilu piffissat tuttunniarfiusussat pisassiissutigineqarsinnaasullu amerlassusissaat pillugit APNN-ip siunnersuutaanut tusarniaanermut akissut matumuuna nassiunneqarpoq. Pinngortitaleriffik tuttuttassiissutigineqarsinnaasut umimmattassiissutigineqarsinnaasullu pillugit siunnersuinernik suliaqarsimanngilaq, taamatumalu kingunerisaanik APNN mianersortumik periuseqartussaataitanermik aallaaveqarluni siunnersuummik ataaniittunik suliaqarsimavoq.

Tuttut

- 1. Tuttoqarfinnut tamanut atuuttut: Inuussutissarsiutigalugu piniartut tuttunnianeq aallartissaaq 1. august ingerlassallunilu 15. oktober ilanngullugu.*

Pinngortitaleriffik oqaaseqaatissaqanngilaq.

- 2. Tuttoqarfinnut tamanut atuuttut: Sunngiffimmi piniartartut tuttunniarsinnaanerat aallartissaaq 1. august ingerlassallunilu 30. september ilanngullugu. Aqutsiveqarfimmi Nuummi sunngiffimmi piniartumut ataatsimut akuersisummik ataatsimik tallimanik tuttussinnaatitaanermut akuersisummik tunniussisoqassaaq.*

Pinngortitaleriffiup naatsorsuutigaa Nuummi sunngiffimmi piniartartut pingaartumik aqutsiveqarfimmi Ameralimmi tuttunik killilersimaarininnermut peqataasartut taamaalillutillu tuttut naasoqassutsimut/nerisassaqaassutsimut naapertuuttumik amerlassuseqartinnissaannut sunniuteqaqataasartut. Sunngiffimmi piniartup ataatsip aqutsiveqarfimmi Nuummi akuersisummik ataatsimik tunineqartarnera tuttut amerliartorpallaarnerannik taamaalillutillu eqimavallaalernerannik kinguneqarsinnaavoq. Ameralimmi (2012) aamma Akia-Maniitsumi (2010) kingullermik kisitsinerni tuttut nerisassaqaassusiannut sanilliullugit amerlavallaartutut nalilerneqarput. Taamaattumik Pinngortitaleriffimmiut inersuussutigaa Ameralimmi sapinngisamik amerlasuunik pisaqartoqartassasoq. Akissutit itisilerissutaasut qupp. 2-3-miittut aamma atuakkit.

3. *Immikkoortoq 1 (Naternaq), Immikkoortoq 4 (Ameralik), Immikkoortoq 5 (Qeqertarsuatsiaat), Immikkoortoq 6 (Qassit), Immikkoortoq 7 (Neria) aamma immikkoortoq 8 (Nuussuaq): Immikkoortuni taakkunani inuussutissarsiutigalugu piniartut immikkoortumi ataatsimi tuttunik 100-nik pisassinneqassapput ukiuunerani piniarnermi sapaatit akunnerisa pingasut ingerlanerini pisarineqartussanik.*

Ukiuunerani piniarnermi pingaartumi kulavaat ilumittut akorngusersorneqartarput. Kulavannik ilumittunik kulavannillu piaqqisartunik akorngusersuisarneq sapinngisamik millisarniarlugu Pinngortitaleriffimmiut siorna innersuussutigaat ukiuunerani piniarnermi taamaallaat angutivissanik piniartoqartarnissaa ukiuuneranilu piniartarneq sivi-killineqassasoq soorlu ullunut qulingiluanut, sapaatit akunnerisa naanerini marluk ilanngullugit.

4. *Immikkoortoq 9 aamma 10 (Olrík Fjord, Prudhoe Land aamma Inglefield Land): Ukiuunerani piniartarnermut allannguutaasinnaasut tassaapput piffissami killi-likkami pisarineqarsinnaasut amerlassusissaat taamatullu aamma piniarfiusus-samik sumiiffimmik killiliisinnaaneq piniartut kommunillu attuumassuteqartut oqaloqatiginerisigut pisinnaapput malitsigitillugulu APNN-imut nalunaarutigineqarlutik.*

Pinngortitaleriffik oqaaseqaatissaqanngilaq.

Tunnqavilersuutit: *Aqutsiveqarfimmi Nuummi saniatigooralugu piniartut 1.053-it nalunaarsorneqarsimapput, taakkulu 1. maj 2016 nallertinnagu piniarnermik al-lagartamik nutarsarnissaannut akiliisimapput aammalu aqutsiveqarfinni, Akia-Maniitsoq aamma Ameralik, tuttut ikinnerulersimapput. Aqutsiveqarfimmi Akia-Maniitsumi 2001-imi kisitsisoqarmat tuttut 46.236-nik amerlassuseqassangatin-neqarput, 2010-milu kisitseqqittoqarmat 24.000-nik amerlassuseqassangatin-neqarlutik. Aqutsiveqarfimmi Amerlimmi 2001 kisitsisoqarmat tuttut 31.880-inik amerlassuseqassangatinneqarput, 2012-imilu kisitseqqittoqarmat amerlassusiat 11.700-nut missiliuunneqarluni, takuuk pkt. 2.*

Tuttunik kisitsinerit siuliani taakkartorneqartut Pinngortitaleriffimmeersut suliaaraat, ilumoorporlu aqutsiveqarfinni pineqartuni tuttut 2001-imiilli ikiliartulernikummata. Tuttut ikileriaateqarsimanerat kissaatiginartumik pisimavoq, tassami tuttut amerlanga-ramik eqimanagerarput taamaalillunilu nerisassaqaarniarnerat killeqaleriartortarluni. Tuttut aqutsiveqarfinni Akia-Maniitsumi Ameralimmilu 2001-imi amerlassusiat qiviraanni oqartoqartariaqarpoq nerisassaqaarniarnerat eqqarsaatigalugu amerlavallaarsi-masut, allaat sisamariaataa tikillugu amerlavallaartut oqaatigineqarsinnaasimallutik. Taamanikkut tuttut eqimassusiat km²-imut sisamat missaanniissimavoq, tamannalu Pinngortitaleriffimmit innersuussutigineqartumit tassa km²-imut tuttut agguaqatigiis-sillugu 1.2-nik amerlassuseqartariaqaraluarnat innersuussutigineqarmat (nerisassaqaarniarnerat pissusissamisooqqilissappat).

Tuttunik 2001-imiit 2010 aamma 2012 ilanngullugit ikilisaasimanerit piaqqiaasartut amerlanerulernerannik kinguneqarsimavoq, aqutsiveqarfimmilu Ameralimmi piaqqior-luortoqarpoq.

Tuttunut tunngatillugu mianersortussaaitaanermik periutsimik malinninnialernermi aallaavissaq pingaarnerpaaq tassaavoq tuttu nerisassaqassusiisa qanoq innerat imaanngitsorli qanoq amerlatigilersinneqarnissaat. Tuttu peqqissuujuassappata piaqqiorluartuullutillu taava pisariaqarpoq nunap neriniarfiusartup naggorlutsinnginnissaata mianerineqarnissaa.

Kingullermik 2010-mi 2012-imilu kisitsisoqarmat tuttu eqimassusiisa km²-imut agguaqatigiissillugu 1,2-junissaanik innersuussut suli qaangeqqavaat, taamaattumillu Pinngortitaleriffimmiit tuttu suli ikinnerulersinneqarnissaat innersuussutigeqqinneqarpoq.

Aqutsiveqarfimmi Akia-Maniitsumi tuttu eqimassusiannik 2010-mi missingiuussineq: km²-imut agguaqatigiissillugu 1.6

Aqutsiveqarfimmi Ameralimmi tuttu eqimassusiannik 2010-mi missingiuussineq: km²-imut agguaqatigiissillugu 1.7

Ameralimmi tuttoqatigiit

Pinngortitaleriffimmeersut kingullermik 2012-imi aqutsiveqarfimmi Ameralimmi tuttunik kisitsinerisa inernerisa ilimanarsisippaat, inuussutissarsiutigalugu sunngiffimmilu piniartartut ataatsimoorlutik piniartarnerisa tuttoqassuseq ukiuni 2006-2012 akornanni aalaakkaasumik inissisimatissimassagaat. Piniartut ullumikkut paasissutissiinerisigut ilimanarpoq, tamaani tuttu 2012-imiilli amerleriaqqilaarsimassasut, imaappoq piaqqiornerat pisaqartoqartarneranut sanilliullugu qaffasinnerusimasoq. Nalunngilarput aqutsiveqarfik pineqartoq 2001-imi naggorlutsilluni mangiarneqarpallaarsimasoq ilimagaarpullu suli pissusissamisut ileqqissimassagunangitsoq. Taamaattumik suli amerlanerusunik tuttuttoqartarnissaa pingaartuuvoq, taamalilluni peqassuseq atanneqarsinnaasumiilersillugu allaat ajornangippat tuttu ikinnerulersillugit. Taamaattumik tuttuttoqarnerunissaa Pinngortitaleriffiup innersuussutigaa.

Akia-Maniitsumi tuttoqatigiit

Piniartut arlallit nalunaarutigaat sineriak atuarlugu tuttoqarnerulersimanagera malunnartoq, taamaattumillu ilimanarpoq tamaani siornarnut sanilliullugu tuttoqarnerulersimanissaa. Akia-Maniitsumi ukiuni kingullerni ukiuunerani tuttunniartoqartarnikuunngilaq, tamannalu tuttu piaqqiornerulersinnerannik taamalu 2010-mut sanilliullugu nuntaraqarnerulersinneranik kinguneqarsimannngutsiarpoq.

Immikkoortuni 1, 4, 5, 6, 7, 8-milu inussutissarsiutigalugu piniartut Naalakkersuisut kissaateqarnerat naapertorlugu ukiuunerani killilimmik piniarsinnaatinneqassapput, takuuk pkt. 3.

Pinngortitaleriffiup siunnersuutigaa aqutsiveqarfik Kangerlussuaq-Sisimiuni, Immikkoortoq 2-mik taasaq, allattuiffimmu ilanngunneqassasoq, tassani kisitsinermi kingullermi, 2010-mi, amerlassusiat/eqimassusiat suli qaffasimmat. Ukioq 2000-miilli pimoorussinerusumik piniartoqartarsimanagera peqassutsimut apparsaataarpiarsimannngilaq. Pinngortitaleriffimmeersut isumaqarput tuttu ikilisarnissaat pillugu killilersuisoqarnissaa pisariaqaranilu ukiuunerani piniartoqartarsinnaasoq.

Umimmaat

5. Pinngortialeriffimmeersut aperipput, Piniarfimmi 1-imi sunngiffimmi piniartartut ukiuunerani umimmattassaat qanoq amerlatigitinniarneqarnersut?
6. Pinngortitaleriffik oqaaseqaateqanngilaq.
7. Pinngortitaleriffik oqaaseqaateqanngilaq.
8. Pinngortialeriffimmeersut malugeqqaat, juni 2016-imi umimmannik kisitsinerup inernerit tunngavigalugit pisassiissutinik allannguisoqarsinnaammat.

Tunngavilersuutit:

Pinngortitaleriffimmeersut ilimagaat paragraffi, snescooterit, ATV-it nunakkoorutillu motorillit il.il. umimmanniarnermi atorpeqartannginnissaannut tunngasoq tuttunniartarnermissaaq atortinneqartoq. Pinngortitaleriffiup innersuussutigaa paragraffi taanna tuttunniarnermuttaaq atuutilersinneqassasoq.

Inussiarnersumik inuulluaritsi

Christine Cuyler, D.Sc.

Ilisimatusartog

Pinngortitaleriffik